

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ
ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ
ԽՈՐՀՈՒՐԴ**

18 նոյեմբերի, 2022 թ.

N 29-L

Ո Ր Ո Շ ՈՒ Մ

**«ՀԱՅԱՍՏԱՆԻ ԱՌԻԴԻՏՈՐՆԵՐԻ ԵՎ ՓՈՐՁԱԳԵՏ ՀԱՇՎԱՊԱՀՆԵՐԻ ՊԱԼԱՏ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ԱՆԴԱՄԱԿՑՈՒԹՅԱՆ ՀԱՆՁՆԱԺՈՂՈՎԻ
2023 ԹՎԱԿԱՆԻ ԳՈՐԾՈՒՆԵՈՒԹՅԱՆ ՏԱՐԵԿԱՆ ԾՐԱԳԻՐԸ ՀԱՍՏԱՏԵԼՈՒ
ՄԱՍԻՆ**

Հիմք ընդունելով «Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) Անդամակցության հանձնաժողովի կանոնադրության 7.1 կետը՝ Պալատի խորհուրդը որոշում է՝

1. Հաստատել «Հայաստանի աուդիտորների և փորձագետ հաշվապահների պալատ» հասարակական կազմակերպության Անդամակցության հանձնաժողովի 2023 թվականի գործունեության տարեկան ծրագիրը՝ համաձայն հավելվածի:

2. Սույն որոշումն ուժի մեջ է մտնում Պալատի պաշտոնական կայքում հրապարակվելուց հետո:

ԽՈՐՀՐԴԻ ՆԱԽԱԳԱՀ՝

ԹԱԹՈՒԼ ՄՈՎՍԻՍՅԱՆ

Հավելված

«Հայաստանի աուդիտորների և փորձագետ
հաշվապահների պալատ»
հասարակական կազմակերպության խորհրդի
2022թ. նոյեմբերի 18-ի N 29 - L որոշման

«Հայաստանի աուդիտորների և փորձագետ հաշվապահների պալատ»

հասարակական կազմակերպության

Անդամակցության հանձնաժողովի

2023 թվականի գործունեության տարեկան ծրագիրը

ԸՆԴՀԱՆՈՒՐ ԴՐՈՒՅԹՆԵՐ

«Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) Անդամակցության հանձնաժողովի (այսուհետ՝ Անդամակցության հանձնաժողով) 2023թ. գործունեության ծրագիրը կազմվել է ի կատարումն Անդամակցության հանձնաժողովի կանոնադրության 7.1 կետի՝ նպատակ ունենալով ապահովել հանձնաժողովի գործառույթների արդյունավետ իրականացումը և Պալատի խորհրդի կողմից Անդամակցության հանձնաժողովի գործունեության նկատմամբ արդյունավետ հսկողության իրականացումը:

ԾՐԱԳՐԻ ԿԱԶՄՄԱՆ ՀԻՄՔԵՐԸ և ՍԿԶԲՈՒՆՔՆԵՐԸ

Սույն գործունեության ծրագրի հիմքում դրված են Անդամակցության հանձնաժողովի կանոնադրությամբ սահմանված ինչպես հիմնական, այնպես էլ այլ գործառույթները.

Հիմնական գործառույթներ.

- Պալատին անդամակցության գործընթացի կազմակերպում,
- Պալատի անդամների կողմից շարունակական մասնագիտական զարգացման (ՇՄԶ) պահանջների պահպանման նկատմամբ հսկողության կազմակերպում,
- Պալատի խորհրդի կողմից տրված հանձնարարականների կատարում:

Այլ գործառույթներ.

- Համագործակցություն Պալատի մյուս հանձնաժողովների հետ,
- Օժանդակություն Պալատի անձնակազմին,
- Համագործակցություն պետական մարմինների և հասարակական կազմակերպությունների, ինչպես նաև արտերկրի համանման կառույցների հետ:

Գործունեության 2023թ. ծրագիրը կազմելիս նախատեսվող միջոցառումները և նրանց կատարման ժամկետները պլանավորվել են՝ ելնելով յուրաքանչյուր կոնկրետ գործառույթի բնույթից և դրա իրականացման նկատմամբ սահմանված պահանջներից, այսպես.

Պալատին անդամակցության կազմակերպման գործառույթի գծով աշխատանքների պլանավորման համար հաշվի են առնվել «Հայաստանի աուդիտորների և փորձագետ հաշվապահների պալատ» հասարակական կազմակերպության Անդամակցության կարգի 3.1.4 կետով սահմանված ժամկետները,

Պալատի անդամ աուդիտորների և փորձագետ հաշվապահների կողմից ՇՄԶ պահանջների պահպանման նկատմամբ հսկողության կազմակերպման գործառույթի գծով աշխատանքների պլանավորման համար հաշվի են առնվել «Հայաստանի աուդիտորների և փորձագետ հաշվապահների պալատ» հասարակական կազմակերպության աուդիտոր և փորձագետ հաշվապահ անդամների շարունակական

մասնագիտական զարգացման կարգի պահանջները և Պալատի անդամների ներկա թիվը,

Հանձնաժողովի կողմից այլ գործառույթների իրականացման համար կոնկրետ միջոցառումներ և ժամկետներ սահմանված չեն՝ դիտարկելով դրանք որպես ընթացիկ աշխատանքներ, որոնք կիրականացվեն ըստ անհրաժեշտության:

ԱՆԴԱՄԱԿՑՈՒԹՅԱՆ ՀԱՆՁՆԱԺՈՂՈՎԻ 2023Թ. ԳՈՐԾՈՒՆԵՈՒԹՅԱՆ ԾՐԱԳԻՐԸ

h/ h	Գործառույթ	Միջոցառում	Ժամկետ
1	Պալատին անդամակցության գործընթացի կազմակերպում	Պալատին անդամակցության համար դիմած կազմակերպությունների և ֆիզիկական անձանց՝ Պալատի Կանոնադրությանը, «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի և Անդամակցության կարգի պահանջներին համապատասխանության ուսումնասիրություն (նախնական փորձաքննություն)	Պարբերաբար՝ դիմումի ստացումից հետո 7 օրյա ժամկետում
		Հանձնաժողովի նիստի գումարում՝ կատարված ուսումնասիրության արդյունքների քննարկում և դրանց հիման վրա Պալատի խորհրդին Պալատին անդամակցելու վերաբերյալ առաջարկությունների ներկայացում	Պարբերաբար՝ դիմումի ստացումից հետո 10 օրյա ժամկետում
2	Պալատի անդամ աուդիտորների և փորձագետ հաշվապահների կողմից ՇՄՁ պահանջների պահպանման	Պալատի գործադիր մարմնից ստացված նյութերի հիման վրա Պալատի անդամ աուդիտորների և փորձագետ հաշվապահների կողմից Պալատին ներկայացված ՇՄՁ հաշվետվությունների առնվազն 25%-ի ընտրանքային ուսումնասիրություններ	Փետրվար-նոյեմբեր

	նկատմամբ հսկողության կազմակերպում	Հանձնաժողովի նիստերի գումարում՝ կատարված ուսումնասիրությունների արդյունքների քննարկում և դրանց ներկայացում Պալատի խորհրդին, համապատասխան հանձնաժողովներին և գործադիր մարմնին	Փետրվար-նոյեմբեր
3	Պալատի խորհրդի հանձնարարականների կատարում	Միջոցառումներն՝ ըստ անհրաժեշտության	Հունվար-դեկտեմբեր
4	Հանձնաժողովի կանոնադրությամբ սահմանված այլ գործառույթներ	Միջոցառումներն՝ ըստ անհրաժեշտության	Հունվար-դեկտեմբեր
5	Հաշվետվություններ	Հանձնաժողովի 2023թ. գործունեության մասին հաշվետվության ներկայացում Պալատի խորհրդին	Մինչև 31 մարտի

Անդամակցության հանձնաժողովի 2023թ. գործունեության ծրագրի իրականացման համար ֆինանսական ծախսեր չեն նախատեսվում:

Անդամակցության

հանձնաժողովի նախագահ՝

Մանվել Ղազարյան